

萬 有 文 庫

第二集七百七種

王 雲 五 主 編

漢 書 補 注

(九十三)

王 先 謙 補 注

商 務 印 書 館 發 行

漢書補注

(九十三)

王先謙補注

國學基本叢書

翟方進傳第五十四

漢書八十四

漢 蘭 臺 令 史班 固 撰

唐正議大夫行祕書少監琅邪縣開國子顏師古 注
賜進士出身前翰林院編修國子監祭酒加三級臣王先謙補注

翟方進字子威汝南上蔡人也家世微賤至方進父翟公好學爲郡文學方進年十二三失父孤學

〔補注〕周壽昌曰孤學猶言獨學無父教之獨學無所成也一曰孤學猶棄學吳語以心孤句賤注孤棄也

給事太守府爲小史號遲頓不及事

師古曰頓讀曰鈍

數爲掾史所

冒辱方進自傷迺從汝南蔡父相問已能所宜

師古曰言從何術哉可目自達

蔡父大奇其形貌謂曰小史有封侯骨當

目經術進努力爲諸生學問

〔補注〕先謙曰官本有淳化本努作怒六字

方進既厭爲小史聞蔡父言心喜因病歸家辭其後母

欲西至京師受經母憐其幼

〔補注〕宋祁曰於母字上疑有後字

隨之長安織屨日給方進讀經博士受春秋

〔補注〕先謙曰官本考證云案儒林

傳方進受穀梁春秋於尹更始又兼左氏春秋案讀字斷句經猶歷也

積十餘年經學明習徒衆日廣諸儒稱之召射策甲科爲郎二三歲舉明

經遷議郎是時宿儒有清河胡常

師古曰宿久舊也

與方進同經

〔補注〕蘇輿曰同習經也京房傳亦云五鹿充宗與房同經

常爲先進名譽出方

進下

師古曰常宜學雖在前而名譽不及方進

心害其能論議不右方進

師古曰毀短也〔補注〕劉攽曰多一論字

方進知之候伺常大都授時

師古曰都授謂

總集諸生大講授也〔補注〕王引之曰大字涉注文大講授而衍都即大也不當更有大字〔廣雅〕都大也五行志豕出園壞都竈師古注都竈悉炊之大竈也武五子傳將軍都郎羽林注都大也謂大會試之鄭吉傳故號都護注都猶大也總也〔漢紀〕孝成紀有大字亦後人依誤本漢書加之據師古注云都遣門下諸生至常所問大義疑難因記其說如是者久之常知方進授謂總集諸生大講授則正文本無大字

之宗讓已〔師古曰〕內不自得

〔補注〕先謙曰猶言不自安

其後居士大夫之閒未嘗不稱述方進遂相親友河平中方進

轉爲博士數年遷朔方刺史居官不煩苛所察應條輒舉

〔補注〕蘇輿曰應條謂應科條吏有無狀如科條所禁者察出輒舉奏也下云上以方進所舉應科義同甚

有威名再三奏事

師古曰刺史歲盡輒奏事京師也

遷爲丞相司直從上甘泉行馳道中司隸校尉陳慶

〔補注〕先謙曰官本考證云公卿表慶字

君卿後方進爲丞相時慶以琅邪太守入爲廷尉一年徙爲長樂少府

劾奏方進沒入車馬既至甘泉宮會殿中慶與廷尉范延壽語

〔補注〕先謙曰官本考證

云公卿表延壽字子路安成人河平二年以北海太守入爲廷尉八年卒

時慶有章劾自道行事呂贖論

師古曰當祭秦時時行事有關失罪合贖〔補注〕劉敞曰漢時人言行事成事皆請已行已成事也王充書亦

有之。又下文所謂自設不坐之比是也。師古曰：言此者，莫尚書忘已之。今尚書持我事來，當於此決。前我爲尚書時，嘗有所奏事，忽忘之，留月餘。

事不奏，〔補注〕劉敞曰：予謂非冀尚書忘已不奏也，言及之耳。尋下文可見。方進於是舉劾慶曰：案慶奉使刺舉大臣，故爲尚書，知機事周密，壹統

明主，躬親不解。師古曰：解，讀曰懈。慶有罪未伏誅，無恐懼心，豫自設不坐之比。師古曰：比，例也。音必兼反。〔補注〕蘇輿曰：謂慶自云當論贖也。猶今日坐事者，非大

故輒抵銷，但慶自設比例，非上意。又暴揚尚書事，言遲疾無所在。〔補注〕蘇輿曰：言遲疾無定，即上所云忽忘留月餘也。虧損聖德之聰明，奉詔不謹，皆不

敬。師古曰：既自云不坐，又言遲疾無敬，所在此之二條，於法皆爲不敬。臣謹自劾，慶坐免官。會北地浩商爲義渠長所捕亡。師古曰：義渠，北地之縣也。商被縣長捕而逃亡。〔補

注〕先謙曰：義渠在今慶陽府甯州西北，公彌表縣滅萬戶爲長。長取其母，與緡豬連繫都亭下。師古曰：目深辱之。緡，牡豕也。音家。商兄弟會賓客，自稱司隸掾。

長安縣尉殺義渠長妻子六人亡。丞相御史請遣掾史與司隸校尉、部刺史，并力逐捕，察無狀者。師古曰：無

狀，謂商及義渠長本狀之違曲也。〔補注〕劉敞曰：謂察司隸刺史捕賊之無狀者，故下文云以宰士督察奉使命大夫先謙曰：此遣掾史督趣司隸，故以并力爲詞，逐捕亡賊，察義渠長無狀之情實。顏注未析，劉說尤非。既與司隸刺史并力逐捕，又反察其無狀乎。

奏可。司隸校尉涓勳奏言。〔補注〕錢大昭曰：廣韻，涓姓，列仙傳有齊人涓子。春秋之義，王人微者，序乎諸侯之上，尊王命也。臣幸得

奉使。呂督察公卿。目下爲職。

師古曰：督，視也。〔補注〕先謙曰：公卿表司隸督大姦猾。續志：掌察舉百官以下及京師近郡犯法者。

今丞相宣。

〔補注〕先謙曰：薛宣。

請遣掾史。呂宰

士督察天子奉使命大夫。

師古曰：謂丞相掾史爲宰士者，言其宰相之屬官而位爲士也。奉使命大夫，謂司隸也。

甚諄逆順之理。

師古曰：諄，乖也。音布內反。〔補注〕先謙曰：言其不當以掾督趣。

宣本不師受經術。

〔補注〕蘇輿曰：宣傳云：宣經術淺，上亦輕焉。蓋自董仲舒、公孫宏、兒寬等以經術緣飾吏事，見重武帝，遂成一代風尚，而大臣不通經術者，往往見之。劾章矣。

因事呂立姦威。案浩商

所犯一家之禍耳。而宣欲專權作威，迺害於迺國，不可之大者。

師古曰：周書洪範云：臣之有作福作威，迺凶于迺國。害于厥躬，故引之。〔補注〕先謙曰：官本迺並作

乃引宋祁曰：乃，監本作迺。姚本刪。

願下中朝特進列侯將軍目下正國法度。

〔補注〕周壽昌曰：案漢舊儀：丞相爲外朝，此劾丞相，故請下中朝議也。

議者呂爲丞相掾。

不宜移書督趣司隸。

師古曰：趣，讀曰促。

會浩商捕得伏誅。家屬徙合浦。故事，司隸校尉位在司直下。初除，謁兩府。

師古曰：丞相及御史也。

其有所會，居中二千石前，與司直並迎丞相御史。初，方進新視事，而涓勳亦初拜爲司隸，不

肯謁丞相御史大夫。後朝會相見，禮節又倨。

師古曰：倨，傲也。

方進陰察之，勳私過光祿勳辛慶忌，又出逢帝舅

成都侯商道路，下車立，頽過，迺就車。

師古曰：頽，待也。

於是方進舉奏其狀，因曰：臣聞國家之興，尊尊而敬長。

〔補注〕

宋祁曰楊本覆有敬長二字 爵位上下之禮王道綱紀師古曰言王道綱紀曰尊卑上下之禮爲大也 春秋之義尊上公謂之宰海內無不統焉

〔補注〕蘇輿曰穀梁僖九年傳天子之宰通于四海方進習穀梁故用其義 丞相進見聖主御坐爲起在輿爲下師古曰漢舊儀云皇帝見丞相起謁者贊稱曰皇帝爲丞相起立迺坐皇帝在道丞相

迎謁謁者贊稱曰皇帝爲丞相下輿立迺升車〔補注〕先謙曰注立乃升車上以上文起立例之似當更有下輿二字 羣臣宜皆承順聖化〔補注〕先謙曰示 勳吏二千石幸

得奉使不遵禮儀輕謾宰相賤易上卿師古曰謾讀與慢同易音弋鼓反 而又詘節失度邪調無常師古曰調古詔字也私過辛慶忌見王商而下車是邪詔

也色厲內荏應劭曰荏屈撓也師古曰論語稱孔子曰色厲而內荏譬諸小人其猶穿窬之盜也與言外色莊厲而內懷荏弱故方進引以爲言 墮國體師古曰墮毀也音火規反 亂朝廷之序不宜處

位臣請下丞相免勳時太中大夫平當給事中奏言方進國之司直不自敕正〔補注〕先謙曰 呂先羣下前親犯令行

馳道中司隸慶平心舉劾方進不自責悔而內挾私恨伺記慶之從容語言師古曰從音七容反 呂詆欺成罪師古曰詆

毀也音丁禮反 後丞相宣曰一不道賊如淳曰律殺不辜一家三人爲不道〔補注〕先謙曰謂誹商 請遣掾督趣司隸校尉司隸校尉勳自奏暴於

朝廷今方進復舉奏勳議者曰爲方進不目道德輔正丞相苟阿助大臣欲必勝立威師古曰必勝必取勝 宜抑絕

其原。

〔補注〕蘇輿曰言互効取勝之風不可長。

勳素行公直。姦人所惡。可少寬假。使遂其功名。上曰方進所舉應科。不得用逆。

詐廢正法。

師古曰逆詐者謂曰詐意逆猜人也。逆迎也。論語曰子不逆詐。〔補注〕先謙曰官本注曰字在子下是。

遂貶勳爲昌陵令。方進旬歲閒。免兩司隸。

師古曰旬徧也。滿也。

旬歲猶言滿歲也。

若十日之一周。朝廷由是憚之。丞相宣甚器重焉。常誡掾史謹事司直翟君。必在相位不久。

〔補注〕蘇輿曰言遷擢必速。

是時起昌陵。營作陵邑。貴戚近臣子弟賓客多辜權爲姦利者。

師古曰權專也。辜權者言已自專之。它人取者輒有辜罪。〔補注〕宋祁曰學林云辜權者乃阻障而

獨阻其利。後漢靈帝紀光和四年豪右辜權馬一匹至二百萬。章懷注引前書音義曰辜障也。謂障餘人賣買而自取其利。此訓是也。師古以謂他人取者輒有辜罪。此訓迂矣。

方進部掾史覆案發大姦賊數千。

萬。上曰爲任公卿。

師古曰任堪也。

欲試曰治民。徙方進爲京兆尹。博擊豪彊。

〔補注〕先謙曰博官本作搏是。

京師畏之。時胡常爲青

州刺史。聞之。與方進書曰。竊聞政令甚明。爲京兆能。則恐有所不宜。

師古曰言當犯逆貴戚而見毀。〔補注〕先謙曰官本注未有也字。

方進

心知所謂。其後少弛威嚴。

師古曰弛解也。

居官三歲。永始二年。遷御史大夫。數月。會丞相辭官。坐廣漢盜賊羣

起。及太皇太后喪時。三輔吏並徵發爲姦。

師古曰並音步浪反。

免爲庶人。方進亦坐爲京兆尹時。奉喪事。煩擾百姓。

左遷執金吾二十餘日。丞相官缺。羣臣多舉方進。上亦器其能。遂擢方進爲丞相。封高陵侯。食邑千戶。

身既富貴。而後母尙在。方進內行修飾。供養甚篤。師古曰。飾。謹也。篤。厚也。及後母終。既葬三十六日。除服。起視事。曰。

爲身備漢相。不敢踰國家之制。

師古曰。漢制。自文帝遺詔之後。國家遵呂爲常。大功十五日。小功十四日。總麻七日。方進自目大臣。故云不敢踰制。何焯曰。後書安帝紀。元初三年。初聽大臣二千石刺史行三

年喪。注云。文帝遺詔。以日易月。於後大臣。遂以爲常。至此復遵古制。方進之事。是其徵也。沈欽韓曰。三十六日。既葬後。則不計未葬前月日。舊唐書張柬之傳。弘文館直學士王玄感著論云。三年之喪。合三十六月。豈誤會漢以日易月歟。

爲相公絜。

請託不行郡國。

師古曰。言不目私事。託於四方郡國。

持法刻深。舉奏牧守九卿。峻文深詆。

師古曰。詆。毀也。音丁禮反。

中傷者尤多。如陳咸、朱

博、蕭育、逢信、孫闕之屬。

〔補注〕周壽昌曰。逢信字少子。平陵人。

皆京師世家。材能少。歷牧守列卿。知名當世。而方進特立

後起。十餘年閒。至宰相。據法呂彈咸等。皆罷退之初。咸最先進。自元帝初。爲御史中丞。顯名朝廷矣。咸

帝初卽位。擢爲部刺史。歷楚國、北海、東郡太守。

〔補注〕錢大昕曰。楚國不當有太守。當從陳咸傳作楚內史。

陽朔中。京兆尹王章。譏切大

臣。而薦琅邪太守馮野王。可代大將軍王鳳輔政。東郡太守陳咸。可御史大夫。是時。方進甫從博士爲

刺史云。師古曰。甫始也。後方進爲京兆尹。咸從南陽太守入爲少府。與方進厚善。先是逢信已從高弟郡守。歷

京兆太僕爲衛尉矣。〔補注〕先謙曰。官本弟作第。

官簿皆在方進之右。

師古曰。簿。謂伐閱也。簿音主簿之簿。〔補注〕宋祁曰。官簿一作簿。王念孫曰。案說文無簿字。則一本是也。今漢書中簿字無作

薄者。此一本作薄。乃古字之僅存者。漢鄧陽令曹全碑。諸國禮遺且二百萬。悉以薄官。其字正作薄。又各碑中主簿字作薄者。不可枚舉。是古字以薄爲簿也。朱一新曰。觀師古云音主簿之簿。則所見本簿作薄無疑。

及御史大夫缺。三

人皆名卿。俱在選中。而方進得之。會丞相宣有事。與方進相連。上使五二千石雜問丞相御史。

晉灼曰。大臣獄重故

百秩二千石五人詰責之。

咸詰責方進。冀得其處。方進心恨。初大將軍鳳奏除陳湯爲中郎。與從事。

師古曰。每有政事。皆與謀之而行也。鳳

薨後。從弟車騎將軍音。

〔補注〕宋祁曰。邵本無從字。

代鳳輔政。亦厚湯。逢信。陳咸。皆與湯善。湯數稱之於鳳音所。久之。

音薨。鳳弟成都侯商。復爲大司馬。衛將軍。輔政。商素憎陳湯。白其罪過。下有司案驗。遂免湯。徙敦煌。時

方進新爲丞相。陳咸內懼不安。迺令小冠杜子夏。

〔補注〕先謙曰。杜欽也。見本傳。

往觀其意。微自解說。

師古曰。解說。猶今言分疏。

子夏既

過方進。揣知其指。不敢發言。

師古曰。揣。謂探求之。音初委反。〔補注〕先謙曰。官本考證引蕭該曰。揣。案集解音曰。揣音喘。說文曰。喘。疾息也。尺兌反。說文。揣。量也。初委反。又丁果反。方言曰。揣。試也。郭璞曰。揣。度試之也。該

謂今讀揣。居亡何。師古曰：無何，猶音初委反。方進奏咸與逢信邪枉貪汙營私多欲，皆知陳湯姦佞傾覆，利口不軌，而

親交賂遺，目求薦舉，後爲少府，數饋遺湯，信咸幸得備九卿，不思盡忠正身，內自知行辟亡功效。師古曰：辟，

讀曰而官媚邪臣，欲目徵幸，苟得亡恥。孔子曰：鄙夫可與事君也與哉？師古曰：論語載孔子之言也，謂鄙夫不可與事君也，與哉，與讀曰歟。（補注）先謙

曰：官本注無不字。咸信之謂也。過惡暴見，不宜處位，臣請免目示天下。奏可。後二歲餘，詔舉方正直言之士。紅陽

侯立舉咸，對策拜爲光祿大夫給事中。方進復奏，咸前爲九卿，坐爲貪邪免，自知罪惡暴陳，依託紅陽

侯立，徵幸有司莫敢舉奏，冒濁苟容。師古曰：冒，貪蔽也。不顧恥辱，不當蒙方正舉，備內朝臣，并劾紅陽侯立，選舉

故不目實，有詔免咸，勿劾立。後數年，皇太后姊子侍中衛尉定陵侯淳于長有罪，上目太后故，免官勿

治罪。有司奏請遣長就國，長目金錢與立，立上封事，爲長求留曰：陛下旣託文，目皇太后故。蘇林曰：託，於詔文也。

誠不可更有它計。師古曰：言不宜遣長就國。後長陰事發，遂下獄。（補注）宋祁曰：漸本云：陰事發，遂下獄。先謙曰：宋引漸本與今本同，疑所見本異也。方進劾立懷姦邪，亂

朝政欲傾誤要主上狡猾不道請下獄上曰紅陽侯朕之舅不忍致法遣就國於是方進復奏立黨友

曰立素行積爲不善衆人所共知邪臣自結附託爲黨庶幾立與政事欲獲其利師古曰與讀曰豫今立斥逐就

國所交結尤著者不宜備大臣爲郡守案後將軍朱博鉅鹿太守孫闓故光祿大夫陳咸與立交通厚

善相與爲腹心有背公死黨之信師古曰死黨盡死力於朋黨也欲相攀援死而後已師古曰援引也皆內有不仁之性而

外有雋材過絕於人補注先謙曰官本有倫字引宋祁曰一作於人無倫字監本有倫字勇猛果敢處事不疑所居皆尙殘賊酷虐苛刻慘毒

矧立威而亡纖介愛利之風師古曰愛利謂仁愛而欲安利人也天下所共知愚者猶惑孔子曰人而不仁如禮何人而不

仁如樂何師古曰論語載孔子之言也言用不仁之人則禮樂廢壞言不仁之人亡所施用不仁而多材國之患也此三人皆內懷姦猾

國之所患而深相與結信於貴戚姦臣此國家大憂大臣所宜沒身而爭也師古曰沒盡也補注蘇輿曰猶云盡死力爭昔季孫

行父有言曰補注宋祁曰父疑作甫見有善於君者愛之若孝子之養父母也見不善者誅之若鷹鷂之逐鳥爵也

師古曰：事見左氏傳。行父，魯卿季文子也。鸚似鵠而小，今謂之土鸚，音之然反。〔補注〕周壽昌曰：案西漢文中無引左氏者，獨方進奏中引此數句，緣方進好爲左氏學。韋賢傳中始見劉歆等引左氏傳，此尙在前也。左傳毛詩，平帝時始立學官，僅見於儒林傳贊。王文彬曰：左文十八年傳，作見有禮於君者，事之見無禮於君者，誅之，文稍異。〔補注〕蘇輿曰：朱博傳，龔勝之議春秋之義，姦以事君，常刑不赦云云，亦左傳義也。

翹翼雖傷，不避也。貴戚彊黨之衆，誠難犯。

犯之，衆敵並怨，善惡相冒。

師古曰：冒，覆蔽也。

臣幸得備宰相，不敢不盡死，請免博閎咸歸故郡，呂銷姦雄之黨。

絕羣邪之望，奏可。咸既廢錮。

〔補注〕宋祁曰：姚本，既作知。

復徙故郡，呂憂發疾而死。

〔補注〕宋祁曰：監本楊本云：以憂發疾而死。別本越本云：以憂死。錢大昭曰：閩本無發疾。

而三字

方進知能有餘，兼通文法吏事，呂儒雅緣飭法律。

〔補注〕錢大昭曰：飭，閩本作節。

號爲通明相，天子甚器重之。奏事

亡不當意，內求人主微指，呂固其位。初，定陵侯淳于長雖外戚，然呂能謀議，爲九卿新用事，方進獨與

長交，稱薦之。

〔補注〕錢大昭曰：潛夫論云：翟方進稱淳于長而不能薦一士。

及長坐大逆誅，諸所厚善皆坐長免。上呂方進大臣，又素重之。

爲隱諱，方進內慚，上疏謝罪，乞骸骨。上報曰：定陵侯長已伏其辜，君雖交通，傳不云乎？朝過夕改，君子

與之。師古曰：與，許也。

君何疑焉？其專心壹意，毋怠。近醫藥，呂自持。

〔補注〕宋祁曰：監本有近字，別本無。

方進迺起視事，條奏長所厚善。

京兆尹孫寶右扶風蕭育刺史二千石目上免二十餘人其見任如此方進雖受穀梁然好左氏傳天

文星歷其左氏則國師劉歆星歷則長安令田終術師也

如淳曰劉歆及田終術二人皆受學於方進

厚李尋曰爲議曹

〔補注〕先謙曰互見

尋傳爲相九歲綏和二年春熒惑守心尋奏記言應變之權君侯所自明往者數白三光垂象變動見端

張晏曰九年之中而日三食月朏側匿星孛營室東井熒惑守心〔補注〕先謙曰白告方進

山川水泉反理視患

張晏曰元延中崱山崩壅江江水不流山地之鎮宜固而崩水逆流反於常理所目示人患也師古曰視讀曰示

民人訛謠斥事感名

如淳曰斥事非水溢之事也有言溢者後果非溢感名燕燕尾涎涎是也〔補注〕宋祁曰注文非監作并先謙曰官本注涎涎作涎涎

三者既效可爲寒心今提揚

眉矢貫中

服虔曰提攝提星也揚眉揚其芒角也矢枉矢也孟康曰綏和元年正月枉矢從東南入北斗攝提與北斗杓建寅貫攝提中是也張晏曰矢一星貫中者謂正直弧中也〔補注〕齊召南曰孟注是也如張說則與下文狼弓覆矣沈欽韓

曰天中記春秋元命苞曰天有攝提人有兩眉爲人表候陽立於二故眉長二寸注攝提兩星頗曲入眉似之

狼奮角弓且張

張晏曰狼一星奮角者有芒角也狼芒角則盜賊起大弓九星不欲明明猶張也兵起之象

金歷庫

土逆度

張晏曰庫二十星在軫南金太白也歷武庫則兵起土鎮星也逆度逆行也

輔湛沒火守舍

張晏曰北斗第四星旁一小星曰輔湛沒不見則天下之兵銷三十日爲守舍謂日月所經宿舍也一曰火守舍熒惑守心師

古曰湛讀曰沈〔補注〕周壽昌曰天文志輔星明近輔臣親強斥小疏弱史記正義輔大臣之象也占欲其小而明若大而明則臣奪君政小而不明則臣不任職明大與斗合國兵吳起暗而遠斗臣不死則奪此明言湛沒爲方進將死之占張注不合

萬歲

之期近慎朝暮

師古曰萬歲之期謂死也慎朝暮者言其事在朝夕補注王鳴盛曰萬歲之期意謂宮車晏駕故即賁麗欲以此災移於宰相也朱一新曰賁麗但言大臣宜當之不言可移於相則萬歲之解仍當從顏注古人稱萬歲不必

專指君上顧炎武日知錄已詳言之

上無惻怛濟世之功下無推讓避賢之效欲當大位爲具臣召全身難矣師古曰具謂具位之臣無功德也

補注先謙曰官本注謂作臣是

大責日加安得但保斥逐之勳師古曰言其事重不但斥逐而已也補注劉敞曰案勳改戮

闔府三百餘人惟君侯擇其中

與盡節轉凶

師古曰三百餘人謂丞相之官屬也

方進憂之不知所出會郎賁麗善爲星

師古曰賁姓也麗名也賁音肥

言大臣宜當之

補注周壽昌

曰爲上言也時在綏和二年春發惑守心故賁麗言之二月方進自殺三月而帝亦晏駕矣案發惑所居之宿國受殃心爲明堂其大星爲天王占曰火犯心王者惡之故成帝欲殺方進以應星變也

上迺召見方進還歸未及

引決上遂賜冊曰皇帝問丞相君有孔子之慮孟賁之勇朕嘉與君同心一意庶幾有成惟君登位於

今十年災害並臻民被飢餓加呂病疫溺死關門牡開

張晏曰元延元年章門函谷門牡自亡補注宋祁曰案五行志注晉灼曰章城門西出南頭第一門也牡是出籥者師

古曰牡所以下閉者以鐵爲之非出籥也

失國守備盜賊黨輩

師古曰黨衆多補注宋祁曰監本浙本作盜黨羣輩姚本作盜賊羣輩

吏民殘賊毆殺良民

師古曰毆擊也音一口反斷獄

歲歲多前補注先謙曰謂每歲加增

上書言事交錯道路懷姦朋黨相爲隱蔽皆亡忠慮羣下兇兇更相嫉妒

師古曰更音工

衡其咎安在。觀君之治，無欲輔朕富民，便安元元之念。聞者郡國穀雖頗孰。師古曰：聞，謂近者目來也。〔補注〕先謙曰：官本無也字。

姓不足者，尚衆前去城郭。〔補注〕先謙曰：謂流亡。未能盡還，夙夜未嘗忘焉。朕惟往時之用，與今一也。師古曰：謂財用也。百僚

用度各有數，君不量多少，一聽羣下言，用度不足，奏請一切增賦稅城郭、墾及園田，過更、算馬、牛、羊。張晏

曰：一切，權時也。墾，城郭旁地。園田入多，益其稅也。百人爲卒，取一人所贍，常爲之月用二千，使人直之，謂之過更。又牛、馬、羊頭數出稅，算千輪二十也。師古曰：墾，音人緣反。解在食貨志。〔補注〕沈欽韓曰：所謂算及六畜也。增益鹽鐵，變更無

常。〔補注〕何焯曰：此禍之及民者，詔書已詳，故史不重敘。朕既不明，隨奏許可，使議者曰爲不便。〔補注〕錢大昭曰：使，南監本闕。本作後，先謙曰：官本使作後。制詔下君

云賣酒醪，後請止，未盡月復奏議，令賣酒醪。〔補注〕沈欽韓曰：官自賣之也。朕誠怪君何持容容之計，無忠固意。師古曰：容，容隨衆上。

將何曰：輔朕帥道羣下，而欲久蒙顯尊之位，豈不難哉。師古曰：蒙，冒也。傳曰：高而不危，所曰長守貴也。師古曰：孝經之

也。言也。欲退君位，尚未忍。君其孰念詳計，塞絕姦原，憂國如家，務使百姓曰：輔朕。朕既已改，君其自思，強食

慎職，使尚書令賜君上尊酒十石，養牛一。君審處焉，方進，卽日自殺。如淳曰：漢儀注：有天地大變，天下大過，皇帝使侍中持節乘四白馬，賜上尊酒十斛，牛一。

頭策告殃咎。使者去半道。丞相卽上病。使者還。未白事。尙書呂丞相不起病聞。

上祕之。遣九卿冊贈呂丞相高陵侯印綬。賜乘輿祕器。少府供張。柱檻

皆衣素。

師古曰。柱。屋柱也。檻。軒前闌版也。皆呂白素衣之。

天子親臨弔者數至。禮賜異於它相故事。

師古曰。漢舊儀云。丞相有疾。皇帝法

駕親至問疾。從西門入。卽薨。移居第中。車駕往弔。贈棺。棺斂具。賜錢葬地。葬日。公卿已下。會葬焉。〔補注〕宋祁曰。注文已字當作也。先謙曰。官本贈賜互易。宋說當作也。也當爲目。

諡曰恭侯。長子宣嗣。宣字太伯。亦

明經篤行君子人也。及方進在。爲關都尉。南郡太守。

師古曰。言方進未死之時。宣已爲此官。

少子曰義。義字文仲。少呂父任

爲郎。稍遷諸曹。年二十。出爲南陽都尉。宛令劉立。與曲陽侯爲婚。

〔補注〕先謙曰。曲陽侯王根。

又素著名州郡。輕義年

少。義行太守事。行縣至宛。

師古曰。行。音下。更反。其下并同。

丞相史在傳舍。立持酒肴。謁丞相史。對飲。未訖。

〔補注〕宋祁曰。相對飲。漸本無相字。景祐

本無飲字。

會義亦往。外吏白都尉方至。立語言自若。

師古曰。自若。言如故。〔補注〕宋祁曰。自。監本作目。

須臾。義至。內謁徑入。

師古曰。內謁。猶今之通名也。〔補注〕

周壽昌曰。內讀若納。

立迺走下。義旣還。大怒。陽召他事。召立至。立主守盜十金。賊殺不辜。部掾夏侯恢等收縛立。傳送

鄆獄。

師古曰。部分其掾而遣之。鄆亦南陽之縣。〔補注〕錢大昭曰。辭。宣傳云。十金法重是也。沈欽韓曰。地理志。鄆縣。南陽都尉治所。

恢亦召宛大縣。恐見篡奪。白義可因隨後行縣